

## Der Jüngsten Eydt.

**I**ch N. Schwere / der Römischen / auch zu Hungern vnd Behem 2c. Kñ. May. meinem Allergenedigsten Herrn / Vnnd an stat Ihrer May. derselbigen Hauptman oder Verwalter / so iber zeit von Ihrer Mai. inn Sant Joachimsthal verordent werden / Nachdem ich von Gemainer Knapschafft zuuerwaltung ihres Einnehmens vnd Ausgebens / neben den Eltisten erwelet bin / vñ solches von der Obrigkeit ist nach gegeben / das ich mich inn demselben Ampt / inn allen dem / das mir darinnen zuhandlen gebürt / vleissig / trewlich / vnd vngenehrlich verhalten wil / Wo ich auch inn erfahrung kumb / das etwas Dochgedachter Kñ. May. derselben Amptleuten / Burgermeistern / Rath vnd gantzer Gemeyne zu nachteil vnd schaden geraichte / das wil ich ihrer Mai. Hauptman oder Verwalter von stundan offenbaren / vñnd selbst darwider trachten / so weit mir leib vnd leben wendet / Trewlich vnd vngesefhrlich als mir Gott helff 2c.

## Der Besessenen Eydt.

**I**ch N. Schwere der Römischen / auch zu Hungern vnd Behem 2c. Kñ. May. meinem Allergenedigsten Herrn / vnd an stat Ihrer May. derselbigen Hauptman oder Verwalter / so ieder zeit von Ihrer May. in Sant Joachimsthal verordent werden / das ich Irer Kñ. May. vnd derselben nachkumen / getrew vnd gewertig / auch Ihrer Kñ. May. 2c. Hauptman / Verwalter / Burgermeister / Richter vñnd Radt alhye / gehorsam sein wil / Ihrer aller ehre / nutz vnd frummen fürdern / schaden / auffrur vnd empörung / wo sich die begeben / vnseumlich ansagen / vnd nach meinem höchsten vermügen vorkummen / vnd zum besten helffen wenden / Auch sonst alles anders handlen / das einem getrewen vnderthanen zustehet / Getrewlich vnd vngesefhrlich / Als mir Gott helff 2c.

Der Unge